

沅  
湘  
耆  
舊  
集

沅湘耆舊集卷第三十三

新化鄧顯鶴湘臯編輯

鄆縣沈道寬栗仲校訂

船山先生王夫之

古體詩五十四首

夫之字而農號薑齋又號雙髻外史衡陽人中歲  
稱一瓢道人更名壺晚仍舊名隱居湘西蒸左之  
石船山人稱船山先生又著夕堂永日緒論故又  
稱夕堂老人夕堂先生云崇禎壬午舉人與兄介  
之同舉自幼卽以文章志節重於時張獻忠陷衡  
州以僞命污諸名士先生走匿雙髻峯下賊繫其  
父以質先生自引刀刺其肢體昇往易父賊見其

漏創也免之父子俱得脫北京陷涕泗不食者數  
日南渡後走桂林依瞿忠宣薦授行人司行人崎  
嶇楚粵滇黔間備歷艱險後以母病聞道歸遂不  
復出緬甸既獲沒益白韜晦嘗匿常寧峯峒變姓  
名爲緒人已築土室於石船山名曰觀生居取葉  
廬又曰湘西草堂晨夕杜門著書滄桑黍離之感  
生死不忘其學深博無涯涘獨不喜陸子靜王伯  
安之說原本淵源尤在正蒙註一書往復辨論所  
以歸咎於上蔡象山姚江者甚峻康熙初吳逆僭  
號於衡僞僚有以勸進表屬者先生曰某本亡國  
遺臣所欠一死耳今汝亦安用此不祥之人哉遂

逃入深山作旃禱賦久之卒自題其墓曰明遺臣  
王夫之之墓其自銘曰抱劉越石之孤忠而命無  
從致希張橫渠之正學而力不能企幸全歸於茲  
邱固銜恤以永世余增輯楚寶嘗論撰先生學行  
作傳以爲先生於勝國爲遺老於本朝爲大儒其  
志行之超卓學問之正大體用之明備著述之精  
卓宏富當與顧亭林黃黎洲諸老相頡頏而世尠  
知者蓋其書之若存若沒湮塞不行久矣先生所  
著書凡七十餘種 四庫所著錄者曰周易稗疏  
周易考異尙書稗疏毛詩稗疏毛詩考異春秋稗  
疏見 四庫存目者尙書引義春秋家說 國史

儒林有專傳先生精研六經詩其餘事嘗自書楹帖云六經責我開生面七尺從天乞活埋今所存詩稿有漣濤園集柳岸吟梅花咏五十自定六十一自定稿其曰夕堂戲墨者卽柳岸梅花兩集所刪存也其曰船山鼓掉者詩餘也茲從各集合楚風補詩的二書其採存爲二卷詞旨深覓氣韻沈鬱讀之如覩夏鼎商彝如聞哀猿唳鶴使人穆然神肅翛然意遠自來經師鮮有工詩如先生者蓋其醞釀深矣近安化陶文毅公劄題先生祠聯云天下士非一鄉之士人倫師亦百世之師洵不愧也安得一大有力者盡搜先生所著書鋟版行世豈

非表揚先哲嘉惠來學一倅續哉

按先生全書四庫著錄者六

種存目二種國史儒林有專傳其見於各家記  
載者儲氏將所搜文集潘氏書原文策余氏考吾  
文集全氏鮑琦亭文集及楚寶增輯文苑鮑琦亭  
集劉繼莊傳稱繼莊與萬隱君季野同客崑山徐  
尚書所季野最心折繼莊繼莊於季野尚有不滿  
也顧其所嚴事者曰梁谿顧昉滋衡山王而農全  
氏於鼎革諸老搜羅殆遍汲汲表章惟恐不及先  
生名姓僅一見於劉繼莊傳蓋不能詳也余既輯  
先生遺詩入茲集而先生後裔有占籍湘潭名世  
全號半溪者復力以搜羅遺書鋟版為已在現開  
雕長沙而邑子鄒漢助叔績實為校訂人晦不顯  
之書一旦炳焉呈露豈非衡嶽湘江之靈有以點  
綴而陰相之哉

非偶然也已

### 雜詩四首

結璘耀東方搖輝散庭圯寒帷視玉衡何為倏東指汎愛  
惜流光含悵撫逝水鷗鴉天涯鳴繁英怨游子東園積落

芳安問桃與李悲歌無與聽拊琴復中止

孤雲起江漢搖影自徘徊飄風不相待吹落陽雲臺膚寸  
既達陰炎威已復開清音闕廣野鶯歌誰爲來欲因廣成  
子返此元息胎時哉不易遇摧折使心哀

昔我遊漢水遙與神女期琅玕非所歡玉佩空相貽願託  
雙鳳鳥當時聽者誰不惜薜蘿死將爲蔓草欺溝水自東  
下繁星已西馳幽谷返椒岑琴心終自知

悲風動中夜邊馬嘶且驚壯士匣中刀猶作風雨鳴飛將  
不見期蕭條阻北征關河空杳靄煙草轉縱橫披衣視良  
夜河漢已西傾國憂今未釋何用慰平生

分界嶺

行役春窮極愁心積紛詭薄暮晚靄宿晨望霏微起  
迎山雲蒼流奔海水桂開信天樞南條遷物理揮手謝繁  
煙回頭訝楓紫溟遊漸窮髮行歌聊匪兕勾漏引丹砂云  
何耽芳紀

晨發端州與同鄉人別

海甸見新草故園入春心天涯共萋萋誰能辨淺深寒潮  
落沙影曉塔鬱曾陰日南絕征雁桂水孤歸禽遙分前渚  
淚共溼故人襟

蒼梧舟中望繫龍洲

暮雲籠山碧綠樹沈流影中江瀑珠分孤嶼畫簷整團圞  
紫茸合森蕭翠光嶺秀挺旣歆別高渾亦危秉煙浦極遠



天榭香吹隔嶺渡晨潏兩漿卽目飽幽境萬古蒼梧愁因  
弦慰孤耿

小露過楓木嶺至白雲庵雨作觀劉子參新亭紋石  
畱五宿劉云亭下石門石座似端州醉石遂有次作  
松紱偶晨登樾館聊夕止輕裾挾餘滋溪煙宛方起夫君  
碧雲期良會佇難委淩霄豈有捫步秀方可紀流耳延雨  
聲驚華粲石理架閣馭微霄初英散新紫雲觀權衆木神  
樓聳弱水僊遊亦在區巍榭空云綺淹宿有餘清實歸載  
畱喜

三歲度嶺行薄言觀世樞壯心銷流九林泉聊據梧歸心  
存醉石取似在枌榆江湖憂已亟神尻夢可趨漆吏稱黃

至周臣懷舊都流止互相笑外身理不殊委形憑大化中  
素故不渝興感既有合觸遇孰爲拘海塵無定變聊崇芳  
蘭軀

西莊源所居後嶺前壑古木清沼凝陰返暎念居此  
三載行將舍去因賦一詩

物遇日屢遷流止暫不遺浮雲出丹巘游鯈遵綠漪心知  
既無滯軀質匪有期俯仰同久乍令我奄宅茲修竹叢尙  
穉岡桐蔭每移雲岫半明滅霞嶂時參差坐聞春鳥鳴亦  
睹秋葉離淩景延圓暉迎寒卻涼颼回首舜帝峰濯足春  
水湄芳草良未歇佳期行可規行道昔已靡槁木今何居  
俄頃已藉用乘乘將焉之

來時路

來時若大難寒雨飛瀼瀼今者復何日秋原稱葉黃遵路  
行以悲飄風吹我裳流目心自喻劇結車輪腸

人生苦經歷精爽定往還踟躕行俟之輕煙靄容顏飛鳥  
過我前流泉鳴其閒欲語不得接浮雲云何攀

迢迢荒原路曲曲粵楚甸匪羊亦匪牛窮日歷郊筭桀苦  
梅復酸宛轉遂所繆凜矣秋霜心哀哉白日變

案先生此三詩爲悼繼室鄭孺人作孺人襄陽人吏部尙書繼之從孫女以庚寅歲歸先生於桂林虎止先生之母也

感遇

漢南嬋媛子臨歧憂清露羅襪惜已微中心良有故美人

去我遙思之若晨暮竟簞有餘清肅肅警宵寤

緜緜西塘柳垂絲蕩春色天情亦容曳元化無情亟駟宕  
不損貞蕭森非尙力昭質豈枯槁樂天消偏側遲遲春日  
心悠然庶相識

浮雲起岱陰蕭屑積空微翕合非一氣靈雨千里飛如何  
彼姝子孤愛俄頃輝光影或相報寸心先已違歧路勿相  
問行行各是非

歐子直自南嶽返訊之

靈壑有冬榮幽人時晏出天物無孤清閒情自相匹徘徊  
度飛鳥乘淩俯落日虛曠斷不窮丹碧絢非一夕宿抱餘  
爽各言紛欲悉豈無濠上情言眺雙徑逸神晤遺形區於

焉記良暱

問芋巖疾

二仲浴清肌三五養妙嬰相顧雲已斂待爾月將盈化碧  
既乖期佇鶴方含情寧龍誠就轡畫虎何足烹裊煙自離  
合泛舟無迴縈念彼非心競釋茲若羽輕黃芽抽別潁金  
藥有冬榮元笈君已授勿爲吝玉笙

擬古詩

灼灼三春風縈縈楊柳色季少去我徂芳菲不再得遲我  
心所欽良書寄懷憶迢遞千里間神臯有仙宅朱鳳遺清  
音青天回羽翼玉軫動鳴琴素月輝相卽髣髴垂丹梯雲  
鐵降消息願言欣相從含情無終極

殷勤重殷勤。置酒遙相期。華燭搖虛牖。流光動哀絲。中觴促密坐。欲言還自疑。懷情不忍戢。勸勉當及茲。爲歡託榮觀。結愛在新知。飛蓬非久要。胡爲守枯枝。詞終越相謝。微生命有涯。

日南有歸客。問訊珊瑚枝。海水深不測。飄零無反時。相見既無端。相憶無與知。唯持憔悴心。畢命以爲期。

桂樹繁晨霜。芳滋久不渝。采之無所贈。不忍置路隅。懷袖經歲年。中心良自殊。殷勤自疇昔。誰爲愛斯須。

日落登崇岡。顧望青天高。四維何茫茫。浮雲但蕭騷。羣動既已息。吾身若秋毫。自非精誠徹。蠕動徒已勞。精魄無固存。奄忽成焦蒿。及今百年內。何者終吾操。

所思不可見所怨不可移忽如飄風集貿貿何所之平生  
交與好長逝相追隨中野飛燐光白日爲之迷寓意以永  
世千載將誰知

陽春二三月綠草被修路青林無鮮華嘒鳩亘晨暮淒彼  
泉下人不知春風度驅驅無返轍誰者爲新故往古旣復  
然非我獨憂懼天物各推遷胡爲滋驚怖慮苦不得甘蚤  
計良已誤滅性以求眞浮光棲月露鼎鼎百年中含情抱  
貞素

古人不可期今人當柰何對酒乍相忘援琴發清歌適意  
方在茲憂患徒相加憤世而忘已吾生亦有涯商山采芝  
人跡邇心自遐

和月春已徂林鳥有餘聲落英無返顧流覽怛中情寶刀  
垂鑿帶昔我何所營中宵不自戢髣髴感精靈邂逅良人  
姿執手相徂征心好自矯旒隨風飄長纓雖非思所臻乍  
覩亦不驚願言託白首疇云中路傾綢繆不相釋屢顧念  
平生懷抱申此夕感之雙涕零

白月流素天微霜滿空際開軒極遠目清霄何迢遞仲秋  
杳鳥歸季秋陽鴈至染絲動機杼縱橫成錦字上有永別  
離下有金石誓不知將寄誰綢繆結封識經年藏寶篋置  
之不忍視

昔我遊日南中道至合浦池水碧以寒鰕黽莫能睹得此  
徑寸珠云自殷人所緘以金泥封藉之龍文組中夜投君



懷當知寸心苦

清風吹華燈明星啟東方起步中庭閒形影相徬徨夙昔  
志遠遊遲暮迷津梁滅燭從假寐欲罷固難忘浩歎以徹  
旦不知淚霑裳

擬阮步兵述懷

出門何所適極目延雲容白月照廣川綠隰生清風飛鳥  
去天末蕭條無餘蹤置意良獨難歸來叩哀桐

涼風西南來吹此浮雲興連蜷相異態奄忽如有憑日暮  
靈雨飛消釋如春冰步上商南山揮手謝太清肝膽一胡  
越百年非我生明滅隨須臾吾心固不能

石隕睢陽都夙昔爲明星頃刻不自信哀樂異其情韶風

榮腐草春霰摧初英去日亦已往來日自多驚唯有王子  
喬凌空吹玉笙

芳春去我遠九夏行將遷靡草閔炎日鮮蔓無久延歸禽  
避飄風深林相哀喧披衣視河漢惻愴悲高天當時非所  
謀及今良固然

汎舟浮渭水逶迤青楓林渭水去不息言下湘江潯停櫂  
長太息明月照我衿天宇幕廣野平原氣蕭森夕鳥暝不  
飛游魚喧籟陰寸心不自得何況飛與沈

長夏生景風飄然過我墟蓬居困杲日頽影過桑榆延睇  
望廣天胡爲自孿拘西臺有餘哀聊坡無報書生我自有  
天憔悴與之俱

白日迴南轅草木芸以黃時改心易驚哀情隨大荒遠視  
無所懷但念有悲涼西暉徐以下微風過墟岡庭宇曠蕭  
森披帷延星光

早歲好詞賦文酒相追隨引譽動當時將爲名在茲撫劍  
遊廣都悲歌歸山涯夕冥其白日何者不吾欺驅馬上高  
岡咫尺生釜歆乃知楊公歎非緣道多歧

湘水千里來東下巴邱湖迢遞連廣野青山閼幽墟雲氣  
浮遠白西南接蒼梧落日登迴岡飛鳥去已孤暝色沒高  
樹墟煙下平蕪俯仰求寸心不知意所俱姣女多情向烈  
士無旁趨皎日照此懷行歌一歎歎

悠悠青天高不知生所終巫咸已上天欲訴將奚從但見

巨壑間日暮生清風驚魚跳淥水秋蛩吟蘭叢懷我心所  
欽邂逅相迎逢

楚人得亡弓墜與有歸駒乍爾亦爲歡達人哂其愚明月  
照形影惻惻夫何如回風颺秋毫甯轉造化樞問彼柔曼  
子猶知泣前魚多珠握重淵金石終不渝

心顏誠自我雲容悲素蒼耿耿霜月霽長嘯驚八荒青天  
有鳴鴻孤飛不成行聞其哀嗽音疑爾悲稻梁所至在鶯  
鳩枋榆亦可翔

方壺與圓嶠相去無黍米星河流其間日月盪其裏孤遊  
忘歲月奇璨爭紛詭調良駕河車六龍就方軌補天西北  
傾奠地東南委清虛非久居沈淪安足紀

夙昔驚我懷離台遂無端結好在中塗綢繆苦不安颺風  
吹落葉夕陰淒以寒握手未及終徘徊歧路賄駭獸嘯我  
前離怨無與殫焉得三青鳥從之生羽翰

按先生六十自定稿序云此體自張子壽感遇開  
之先朱文公遂大振金玉篇調使彭澤能早知此  
常不爲彭澤矣阮步兵其量止於阮陶之邊際不  
能及也

曉同夏叔直出寺讀米芾水司寇所鐫譚友夏記

登徑驚林泉知有高人址昨宵話霜月寒河固盈耳星光  
問吟嘯松根想屐齒是日青天高一石暎綠峙朝暾不敢  
惜白光滿蘋芷夏子發笑言循池屢經此似有神護庇珍  
重以索子遙秀豈敢蒙道孤無出美勉以答古人雙影戀

流水

按以下三詩元好問補玩其體格似不離竟陵習氣故自定稿中刪去蓋先生早歲尚不以鍾譚爲非晚乃自編町畦吐棄一切出入陶謝不復知有公安天門矣崇陽蒙正發詩有愛聽船山罵竟陵之句此其徵也今仍存之者一以見先生詩力境界同異又以以叔直先生同游一字俱不可沒也

霜度嶽徑

墜葉滿行衣  
徑草試霜色  
何知山川想  
足敵風塵力  
初瞰紫峯搖  
浮空爽蒼植  
似可就奇光  
問之求羽翼

寄友

我姑雙髻峯  
風雲常相護  
雲裏忽逢君  
不畏潭龍妬  
荏苒十八年  
夢中時一遇  
譬如雲隙月  
隨處時偶露  
不知東升烏  
何有西沈兔  
明明雙眼孔  
誰者爲新故  
薪易火居然千

秋爲旦暮同君宿郊庵四目還相注遙望雙髻峯南飛繞  
湘樹

粵奴初識雪歌

剪髮粵雛年十四聞人說有霜雪字正月梅殘度嶺來桃  
花柳水皆流颯經年絕望望南天落葉黃雲樓暝煙飄空  
冉冉光搖目疑絮疑花兩不然心知是雪情難決借問方  
知寒雨結此生今日乍相逢掬玉尋香向誰說可憐覲面  
未相親故是陽臺夢裏雲垂楊風細梧桐月總道龜毛重  
九斤

孤雁行和李雨蒼

當年回雁峯頭住雁影雲開天際路天君縹渺雁峯心遙

寄湖南煙雨波誰知白雁杳寒沙斷使青峯遮日暮日暮  
雲迷雁陣哀逢君千里雁書來欲分寶瑟銀箏怨似向沙  
明水碧回一水盈盈烏石戍千秋渺渺楚雲臺自注楚雲臺乃白沙  
開雨菴五世祖大楚雲臺高芳草齊湘干北望鷓鴣啼虞  
崖先生讀書而築卿著書亦何有建陽賈卜還自迷瘦影難雙  
欲警露霜淒清霜白露飛不前亭亭片月當高天前身憶  
住青龍寺血蹟還埋古井邊遙飛尺帛君邊去沙上鴻蹤  
隔暝煙

聽月樓倦客歸山畱別翠濤王孫

我夢聽月樓已人不意今生登此樓樓前湘水膩碧玉細  
細紋波遠遠秋我有狂歌知者誰古人不作今人疑夜闌



汾陽先生集 卷第三十三  
酒熟相對笑男兒不受雙眸欺我今歸臥蒸南谷黃菊將  
開酒將熟爛醉三萬六千年柳生左肘石穿肩君勿疑我  
不相就聽月無聲月自圓

寄和些翁補山堂詩已就聞翁返石門復次元韻寄  
意

無字之碑誰帝虎無弦之琴誰宮羽角尖不挂羚羊痕隨  
意天花散春雨我公昔浮玉沙湖湖上突出孤山孤補山  
未了公南返螺髻修眉半有無下士之見不越咫謂公勤  
勤補山耳支祈平吞江南之雲江北夢息壤欲堙何處起  
公笑掩山山爲藏青蒼縮入椰杯裏折腳鐙中水不腐煮  
爛須彌將芥補湖南空有青蓮七十二萬莖總不入公補

處數無土不現補山堂崢嶸日月開幽荒飛來之峯彈指已過洞庭水北山愚公嗟徬徨

康州謠追哭督府義興相公是去秋同鄒管二中舍會公地

可憐康州城瀧水從南來龍旗翩翩去何由蒼梧迷密雲不開秋風起秋葉飛旗翩翩去不歸烏頭黑雀頭白城上飛聲啞啞羽林軍神駿馬昨日靈羊溪今日康江下楊花自飛鳥自棲相公白旆清潯西康州城下生蒺藜

按義興相公卽增公龍錫鄒管二中舍則良崖治仲兩先生也

管弓伯輓歌二首

有序

有明文學管嗣箕弓伯以今癸卯冬卒於南岳百丈山

病乃使余有病草而不得哭其明年返靈筵於高節里之故居乃申一慟良慨然矣將復何言抑夫生人之役榮凋歡惡咸有二三惟一而不兩者死而已惟一而不兩故昧者遲回覺者引決但一忍之須臾無他畏難矣忼慨之捐唯一斯易假令試之二三則壯士之頻繁不能魯縞之穿也今勿說弓伯之死得年五十有二考終於室弓伯固不期此癸未賊投入於湘水雁行相接弓伯犯其不測以保難弟之節一死矣戊子起兵不利縲而繫之潭獄刻日就白刃者一死矣庚寅流離困病於嶺海犯難以護難弟於長林一死矣以身突其三死而誰期爲一者之考終弓伯弄死如丸死去弓伯如鶩復

得此十三年於荒山櫛徑之中弓伯餘食而贅形視之  
昔不爲弓伯駮而今爲弓伯哀耶妄也弓伯磊磊不爲  
愿人之客人或以爲弓伯詎此何有哉弓伯善飲亦善  
飲人弓伯善以財假人然以二者故引其谿壑之涎而  
終不能充塞之弓伯不慕炎而棄寒以是睥睨炎者而  
雖不炎者亦妒弓伯之不與已同調以歆歆於炎塗詎  
之興日此積矣雖然彼流者且齷腥草暖腐蘋寶敝帚  
如拱璧而嚙囁於寒雲酸雨之中浸不詎弓伯則弓伯  
病矣弓伯家世宣州寓籍蒸上族寡而未有血胤則或  
有爲弓伯惜者夫萬彙之息形生爲下神傳爲上今弓  
伯以其孝友義烈之氣如雲如日其暉蔭所注且將孕

爲千百奇男子以似續古人彼區區保有其血肉之產  
响响喫喫衛之如君愛之如父此一藕之絲其聯能幾  
哉故凡此者不足以哀不足以哀則亡用其挽聊紹古  
薤露蒿里各一章以娛弓伯於漠漠焉耳

薤上露光油油日出瞳瞳其光易收樂日之匿得久畱將  
何奉奉咿嚶室有婦膝有兒兒爲父婦爲師夔夔終日夕  
雞鳴晨起以奉之婦步亦步婦趨亦趨偃偃僂僂爲兒覓  
肥腴如何令死心忤摧姝姝媚媚眉不得開將此悲君胡  
當哉日已匿陰已纒軼雲霓足徘徊露晞朝陽樂無涯  
蒿里誰家地不在蒸江上不在湘潭城不在蒼梧黃茅瘴  
祝融爲蓋白石爲輿安安緩緩駕輶車挽人勿喧聽我唱

言魂歸湛湛之青天形返茸茸之墓田鼓母怒笛無悲庸  
夫不罵鬼世間何用庸夫爲以爾笑罵代痛哭鵠鵠乾鵠  
齊上屋主人東屋返青山庸夫他家覓酒肉我有酒不酌  
黃泉將潤庸夫口肥牛十齮醇醪三斗輓輓軸軸狂鼓庸  
夫死奔走黃泉之人應拍手

按弓伯爲治仲舍人嗣表之兄舍人崎嶇嶺表竄  
伏猶洞以死孤忠苦節世數知者其著述亦多不  
傳存此二詩見國變時吾楚勞臣志士蹇蹇匪躬  
之誼如此益嘆文獻之湮紀載之缺爲可痛也

沅湘耆舊集卷第三十三終

沅湘耆舊集卷第三十四

新化鄧顯鶴湘臯編輯

鄞縣沈道寬栗仲校訂

船山先生王夫之

近體詩一百六十五首

上湘旅興

蘼煙何處起渡口已樵歌空外鶯音發晴灘柏葉過生平  
還草屨世事儘藤蓑慚媿辛真子清時畏綠波

一巘復千峯參差萬壑松夕煙飛不定落葉轉相逢古砦  
傳銀穴仙壇記石封金丹及鐵馬吾意定奚從

柳陰誰竹外幾葉帶疏黃浴鴛動金綺夕陽生暗塘歸人  
歡婦子明發有風霜居者忘情甚蕭條客感長



山城猶百里戰伐不相知禾黍經時畢冠裳入望疑微霜  
開驛路落日返樵吹回念巴邱北銀濤捲繡旗

伊山

心識回轡外沿溪曲徑深雲煙開綠畝金碧動青林香篆  
迎風入鐘聲過鳥尋蕭清初覺好風雨更幽岑

讀書雲外跡荒剝切前宮蘊藉清歌日蕭條夕磬中古今  
藏客淚勛業寄真空牛首虛天闕何因臥嬾融

陳耳臣老矣新詩猶麗遠寄題雪諸咏隨意和之

居然穿雨際的的炫輕盈高閣今相望遙心一倍生

光漸曙淺水影微縈經歲含情待天涯已贈瓊

初雪

稍稍墟煙度歸禽尙一雙喧風柔落木珠雨緩流淙夕氣

先孤幌雲陰上半窗懸心清賞極酒力未須降欲雪

### 草堂成

歸舟湘水北伐木逮秋清鶴館松雲翦萍蹤雪徑成南窗  
仍夕暝東嶺迓春晴蕭瑟乾坤裏蓬茅亦太榮

### 早起草堂寓目籬閒牽牛花追憶懿庵

秋色生空外微晴始素暉籬花深碧紫風蔓小霏微酒坐  
懷迎日林軒悵啟扉故心猶宛爾何事歲華違

### 新秋望章載謀

干戈方萬里搖落又三秋霜鬢久無據雲蹤幸緩愁周秦

焚後字

自注時禮  
注方竟

荆楚賦中樓鄭重清波意君無忘野謀

按載謀爲永明時兵部侍郎驥之子侍郎以身扼  
湘陰平江之衝湖南恃以無恐以勞鬱卒於永州

載謀孤露貧賈無所歸先生時寓雙鬢峯招與同  
居三年日飯草糗夜則然松脂著書禮記注蓋成  
於是時也

送載謀歸吳淞

相逢及送別都在落花時霜雪添雙鬢兵戈共一枝江湖  
空在望天地儘堪疑顧陸煩憑弔吾生未有期

月斜

月斜空碧合河漢幾時生杳靄嶽蓮出蕭條露葉橫歸雲  
飛帶雨涼雁過畱聲祇訝西峯上清宵有奏笙

永興廖鄧二君邀宿石角山僧閣是侍先君及仲兄  
硯齋遊處

十月寒潭改三年客艇過畫欄星影近鵝草夜霜多急難

迷原飄飄零廢蓼我郴江無限水不與挽流波

二賢祠重讀宜興相公詩感賦

謝傳青山志羊曇舊見招千秋餘版槩孤榭託雲霄弦望

何時合杜蘅今已凋清潯二千里遺憾在軍謠

自注公於蒼梧以平

端十首授余梓行

卽事

秋晚翠娟娟寒條經雨邊斷雲藏半樹歸鳥沒孤煙篠弱  
梢梢重藤輕葉葉便上方夕磬早亭午落清喧

嶽峯悼亡四首

不愁雲步滑慊慊故慵來多病霜風路餘生隔歲回鳳梢  
殘染淚蛛網誓封苔舊是銷魂地重尋有劫灰

到來猶自喜髣髴近檐除小圃忙挑菜閒窗笑讀書忽驚  
身尚在莫是客淩虛楚些吾能唱魂兮其勝余

關塞天涯黑精魂一倍丹停雲迷鳥宿舞雪耐梅寒不遣  
琴心寂桐憐劍影殘三年烹白石餘瀋咽龍湍

岳阡初甃罷君此拜姑嫜地下客能聚人閒別已長蝶飛  
三月雨楓落一林霜他日還淒絕余魂半渺茫

按此四詩爲繼  
室鄭孺人作

### 迎秋

舊不解驚秋於今預理愁雄風三楚國殘月四更樓天外  
芙蓉劍人閒竹葉舟涼宵聊邂逅不似夢中遊

青山秋緩緩白髮鬢恩恩賦筆期霜雁琴心款夜桐藕絲

侵水碧魚眼泣波紅連唱歌年少江南一夢中

當暑病猶輕離魂幾日陰羽笙天上曲溝水路旁吟渡鵲  
無聊事歸禽有限心炎光勞繾綣回首怨寒砧

投分畱紈扇懷恩記葛衣興亡憑一淚去住憾雙違戲蝶  
情還在元禽巷已非貯愁蜻蛚館舊已遺莎肥

寒月

寒光清不極一半上東峯霜淨初弦小煙平素影重江山  
羣動息河漢九霄封迴絕宵鐘後吾生定幾逢

玉門望獅子峯

屢望高難到前冬一杖時分明霜雪苦偏側虎狼欺芒屨  
仍潭水石函尙小詩只今腸可斷翻笑昔情癡

早春

不覺故心移年華冉冉知晴窗熏午睡暄步愛芳吹幸緩  
西園夢還聞朔雪悲含情方幾日誰道鬢添絲

十二月八夜望月

寒月靜不迴中天白靄分煙空含樹色星淺入冰紋夢覺  
蹤無定淒清愛已勤遙情誰寄託千里一氤氲

深秋望歐子直

蕭蕭夕林外雲斂一痕青杖履隨天地山川見典型借暮  
遲畫紙釀酒已登瓶但覺閒情損歸舟憶洞庭

因林塘小曲築草庵開南窗不知復幾年宴坐漫成  
呈桃塢老人暨家兄石崖先生同作

七尺一絲存餘生半席溫浮溫仍往蹟尺土認誰恩飛鳥  
消雲際幽蟲蟄草根小東臯畔客今日暫招魂

衡山曉發

擊汰遲楓浦歸心就翠微江空雙岸古天小衆山圍嶽氣  
雲侵縣壚煙月掩扉松杉回望裏一谷曙光飛  
綠潤不知冬嶽雲第幾峯身輕隨白鳥裾冷夾青松江近  
前時棹碑畱故國封漁樵知近遠目賞已從容

同唐須竹遊馭閣巖

昨初收梅雨天青空四幕碧光圓微風引袂分溪草斷  
嶂當眉露岳蓮片石偶然畱太古同心無待問他年斜暉  
已長青松影尙惜蒼葺映綠煙



昭陽庵同須竹夜話云乘木葉秋波採五老之勝因  
便送之

儘覺當年不易談披雲躡石意猶貪袖圖有蹟傳河畫血  
字無心銅井畱白日只今原不損青山向後定誰堪知君  
欲訪匡廬濕摘去蓮花池上參

極丸翁書所示劉安禮詩垂寄情見乎詞無以奉答  
聊次其韻述懷

洪鑪滴水試烹煎窮措生涯有火傳哀雁頻分弦上怨陳  
蜂長惜紙中天知恩不淺難忘此別調相看更慨然舊識  
五湖霜月好寒梅春在野塘邊

劉庶僊五十初度卽席同唐須竹

未解平生因底事華筵詩思不相通逢君懸弧聊莞笑垂  
老臨觴偶自容竹塾午窗雙總角梅花小閣一春風童心  
幾皺恆河水何必襄城問小童

半語逢人吞不得於君燒燭耐春寒年華散運有如此譜  
樣翻新孰與看但祝羲和畱萬轉長披黃襖到三竿華山  
呼取墜驢客共說當年行路難

聞極九翁凶問不禁狂哭痛定輒吟

自注聞薨於秦  
和蕭氏春浮園

三年懷袖尺書深章水東流隔楚潯半嶺斜陽雙雪鬢五  
湖煙水一霜林遠遊畱作他生賦土室聊安後死心恰恐  
相逢難下口靈旗不杳寄空音

冬夕

清江雜錄卷之三十四  
夕風儲集有清暄片紫西收碧未圓河漢依微傾北戶流  
霜容與潤高天寥寥空界魂孤往鼎鼎長宵夢少年欲與  
禁寒邀白鶴齊州不耐暝橫煙  
天物何歸賸碧虛霜飈難挽日南車哀弦短劒畱魂夢雪  
鬢霧花空贅餘蠶妾報收雙甕酒故人諾借滿牀書不知  
哀樂將誰得惻惻寒心逼歲除

送蒙聖功暫還故山

秋風淫淫吹我衣送君言歸君欲歸不知天地消偏側已  
覺江山忘是非疏星照水方昨夜涼日當襟返翠微青山  
料理勿取次畱之待我慰調饑

宿雪竹庵同荊蘖大師夜話

不知情狂與無情丈室挑燈魄自驚海濺雲飛千嶂斷煙  
龍雪壓一枝輕破船載月浮寒水別路尋芳駐晚晴自護  
楊墳莖草綠春歸閒唱踏莎行

自注師嗣法  
嘉興楊墳山

### 殘雪

寒心肅肅擁孤清斷岸無心弄晚晴舊憾半消隨去雁新  
歡難待到流鶯莎叢綠淺愁輕護蘚砌痕敲感易傾夙昔  
南枝曾有約不貪春早逐初英

珍重凋零劫後身人閒還遇可憐春和霜和月猶前日爭  
柳爭花非此辰睥睨青天悲寂歷淹留丹燼賞嶙峋雙飛  
燕子來何暮不見瓊田萬頃新

蒼煙黃日久迷離猶有牆東片月窺身外江山還是舊夢

中蠶蜨儘相疑東流徹夜銀濤急平甸矜春碧草欺不識  
瑞香花落後幾人還賦玉樓詩

回塘曲徑偶相依不擬春歸尙未歸向後生緣隨旦暮當  
時心緒在霏微珠胎寒淚禁疏雨玉骨凝寒傲夕暉子夜  
輕冰聊邂逅素心元不藉霜肥

### 長沙旅興

江上紅茅始試春乳鶯調語正迎人人閒船日還相識花  
下暄風已試新鷓鴣杖恰逢苔逕輓漁舟初繞碧波勻乘乘  
生事餘年在隨處桃花可問津

### 郡歸書懷寄懿庵

雨滯花殘不解飛此身無主更無依乾坤何夢到清晝生

死難忘只翠微捲幕暮終歸燕緩敲尊歌闋薦魚肥如君  
貧病眞天上昔惜清秋共釣磯

出郭赴李緩山之約桓伊山下遇雨

葛衣疏透雨珠閒習習輕風宿暑闌白練半飛分木末丹  
虹雙綰護雲關笛聲恰在桓伊步飯顚初逢杜甫山珍重  
碧煙開玉鏡明宵何夕照雙顏

萍鄉中秋同聖功對月

白頭還作他鄉客不負青天只月明白笑漁樵非泛宅聊  
聽鴻雁有新聲鼎瓶浸魄一雙影玉鏡當心無限情莫爲  
銀蟾增悵憾孤清直上卽瑤京

先秋一日作

西峯半影逼天青  
閃閃斜陽紫焰明  
木末一絲雲影渡  
稻畦千綠水痕平  
麟洲夢覺餘香雪  
鶴髮身輕憶鳳笙  
菡萏梧桐雙在眼  
他時搖落不須驚

重登迴雁峯

碧樹江煙小散愁  
青鞵雪鬢又重遊  
朱甍如夢迷雙岸  
綠草當春覆一丘  
縱酒華年凌石級  
題詩夕雨認高樓  
漁舟戰鼓皆今日  
慚媿乾坤一影浮

遣懷

求僊無訣問蓬壺  
縹渺神山一片孤  
溪水凍融隨岸潤  
天風聲緊任桑枯  
田疇死記盧龍塞  
司馬生慚瑞獸符  
爲問今宵寒夜月  
照來還似舊時無

乾坤極目不消愁。生事曄嶸祗敝裘。漁艇可容人釣雪。故鄉還似客登樓。探梅的磔丹砂蒂。問月殷勤白玉鉤。儘有風光相假借。無妨孤棹試中流。

青簪笠還在。短牆漁汀。愁徑儘披霜。明年春在柳。仍絮前夜雪。深梅自香。天地龍蛇消。一淚河山烏鵲。且孤翔。情知華頂酣眠。客蛻骨難留。笑汴梁。

### 小樓雨枕

江城二月催寒雨。山客三更憶嶺雲。青鏡分明知鶴髮。寶刀疇昔掩龍文。援豪猶記趨南史。誓夢還誰起右軍。飛鳥雲邊隨去住。清猿無事憶離羣。

長鑱斲木自生涯。短棹衝萍有獨知。偶測天心容杖屨。不



從人事整須眉孤情琴外傳昭氏病眼花前待子規閒坐  
小樓清澈極垣衣綠潤帶煙垂

小圃桃花發幾株暫時瀟灑且江湖柳風乍得吹烏帽燕  
壘莫驚長綠蕪符璽可容徐廣淚山河難授馬融圖千秋  
歷歷憑青史不信兵戈有腐儒

客窗倦雨曉朦朧乍有晨熒半紙紅江岸夜喧春水長沙  
汀波漾燕泥融乾坤卽事客心廣老病隨緣自德充莫問  
漁津知處否綠楊繞屋已陰濃

### 春山漫興

青山一曲古今誰曾向藤蘿挂接離古樹幾逢新蘚長落  
花聊遣曉鶯知乾坤舊日容雙鬢戰伐隨時老一枝擬上

懸崖尋片石苔菌無字禹功碑

碧橙朱櫻始試花定知紅藥孕丹芽  
晶含斜日搖餘雪激長輕風皺淺沙  
遊屐未拋資藥力漁簑欲捲過霜華  
堂堂永盡相容得臥看窗西映綺霞

雨斂平田一鷺輕西風新展半園晴  
葉光浮上通雲綠天影低沈透水清  
柔草待收園客繭冷風欲和子喬笙  
百年俄頃春晴極未羨商山摘紫英

東海無能釣玉璫嶽陰從昔咀金薑  
刀圭鼎鼎千春白簑笠悠悠一雨航  
碁劫屢翻憐日永琴心自寡到春忘  
東方笑爾談諧甚濫借金門作隱鄉

圓通庵初雨睡起聞朱兼五侍御從平西謁桐城閣

老歸病書戲贈

秋井拖陰柳色闌疏雲開碧整歸鞍梧桐新墜平津苑鷺  
鴻遙飛御史灘愁裏關山江北杳尊前星漢粵天寒碁枰  
應盡中原略莫遣蒼生屬望難

李廣生自黔陽生還歸闕率爾吟贈並感洪一龍三

陽太僕山公及郎君鄭石諸逝者浮湘亭之遊

自汴亭在

湘鄉漣水西南郭  
天門司馬建令嚴

漣水東流落月橫浮湘亭上似三生漢庭舊節歸華表粵  
道旌旗亂早鶯酒侶垂楊悲墓合世情蛺蝶到春鶯如君  
豪氣矜淮海憾到消沈淚亦傾

答姚夢峽秀才見簡之作兼呈金道隱黃門李廣生

彭然石二小司馬

遙求句漏尋靈餌卻背僊壇訪上元  
初服偶然拋竹籜融情一倍感芳荃  
雲畦過雨懷紅藥春泛消愁畏綠尊  
千古英雄無死處酒徒高唱感夷門

五日小飲兼五舟中寄人時兩上書忤時相俟譴命  
故及之

垂垂江上瘴雲飛也聽蓮舟撾鼓歸  
炎海蛟龍吞楚客綠雲煙水弔湘妃  
故園蒲草空盈把過嶺笳聲尙合圍  
哀些遠憑清思抑目前殊覺解人稀

又雪同歐子直

溪邊林外轉霏微幾處新鶯禁不飛  
卽次青春欺白髮丁

甯酒力試寒威連矢朔雪悲明月昨日西清憶落暉爲報  
春光多蘊藉來朝一倍報芳菲

卽事有贈

青門綠野兩情忘柳宅桃津一徑長四海交窮憐白髮雙  
星夜永看珠光梅香早透牕牖月澗坐寒侵款款霜詠史  
已驚開竹素挑鐙無事話滄桑

人日新晴

昨宵弦上晴天月人日清開媚景煙柳帶小吹搖露顆紅  
芽纖出被苔錢勝常難問求凰意懷舊空吟落雁篇爲惱  
新鶯驚午睡不容夢蝶駐華顏

元日過子直齋

今日何年復歲朝  
曉窗新夢試逍遙  
韶光流轉誰消息  
春賞殷勤久寂寥  
竹徑雲深通綠藹  
蘭芽雨沁透紅苗  
高齋弈散前溪路  
回望炊煙隔小橋

湖外遙懷些翁

心心長不斷  
湖天滿月孤星舊  
有緣野燒三叉餘  
幸草湘流九面惘  
膠船寒深鶴帶堯  
年雪海濶龍分佛  
口涎聞說當機  
唯一指  
皈心欲扣逆流舡

期徐蔚子虎塘遲至  
余暑病先歸  
蔚子獨畱萬緣池  
與若啟月飲共相太息  
寄此謝之

稻花風轉接離吹  
繫轡蕭條古檣枝  
畫扇紅芽前夕酒  
青山白雪幾年詩  
千秋華表閑僊語  
一曲滄浪鼓瑟悲  
爲惜

君愁須緩緩相逢知有淚雙垂

同歐子直劉庶僊登小雲山

青天下鏡倒晴空戰壘仙壇碧萬叢終遭屈平疑邃古誰  
從阮籍哭英雄大荒落日懸疏檻五嶺孤煙帶遠虹獨坐  
上方鐘磬裏消沈無淚灑羊公

按先生文集中有遊小雲山記末云余自甲辰始  
遊嗣後歲一登之不倦友人劉近魯居其下有高  
閣藏書六千餘卷導余遊者又湘鄉劉象賢若啟  
有泛小艇送王薑齋劉庶僊泊永豐觀音閣片石  
對月

詩

重過蓮花峯爲夏叔直讀書處

山陽吹簫不成音淒斷登臨舊碧岑雲急步廊春袖溼鏐  
寒殘酒夜鐘深山河憾折延陵劍風雨長迷海上琴聞道

九峯通赤帝松杉鶴羽待招尋

寄懷陳耳臣兼懷安福陳二止

緱山月榭夢中秋疏雨湘波一寄愁  
老大乾坤添戲局蕭條風月識中流  
維摩香飯聊長飽魯壁哀絃未易酬  
爲訪華山酣睡客可容長笑指神州

山居效皮陸體

天桃千樹柳千條  
祖雨迎晴意兩消  
活飲玻璃沈曲沼  
吹香秣謁糝平橋  
游龍依蘚紅鱗密  
魚虎分波翠暈搖  
莫厭溪聲喧午睡  
乘流初好泛詩瓢

春山漫興

丹霞白雨夾分霄  
浴鷺棲鴉各自饒  
夕爽清吹分水影  
晴



光弱引動山椒青  
鞦韆跡遠珠露紫  
筍分明劍玉苗假借  
春容安病客不妨詩思滿唐瓢

千心一病總消除  
隨處中原且卜居  
餘草舜耕堪藥裹  
安流禹治付蒼書  
枕函帶夢花陰徙  
釣竹過春篠尾舒  
霧眼能留臨曲沼  
桃花雖謝長芙渠

按二詩皆春山漫興題自定  
稿中刪去茲從楚風補採入

偶望

平田無那素光何  
稻葉娟娟浸碧波  
白鳥試飛疑遠浦  
平雲微斷影高柯  
墟煙小困雙灣樹  
砌葉全低一徑莎  
不礙小窗消午睡  
爐煙孤裊緒風和

續桂山哀雨詩四首

有序

庚寅冬余作桂山哀雨詩其時幽困水砦不得南奔臥  
而絕食者四日亡室乃與余謀聞道歸楚澤雨六十日  
不能取道已旦暮作同死計矣因苦吟以將南枝之戀  
誦示亡室破涕相勉今茲病中搜讀舊稿又值秋杪寒  
雨無極益增感悼重賦四章余之所爲悼亡者十九以  
此子荆奉倩之悲余不任爲亡者亦不任受也

寒煙撲地溼雲飛猶記餘生雪窖歸泥濁水深天險道北  
羅南網地危機同心雙骨埋荒草有約三春就夕暉簷溜  
漸疏雞唱急殘鐙炷落損征衣

晴月嵐平北斗移挑鐙長話桂山時峒雲侵夜偏飛雨宿  
鳥驚寒不揀枝天客孤臣惟一死人判病骨付三尸陰晴

旦暮尋常極努力湖涸秋水涸

羊腸虎穴屢經過老向孤峯對夢婆他日憑收柴市骨此生已厭漆園歌藤花夜落寒塘影雁字雲低野水波樾館無人苔砌冷桂山相較未愁多

桂山哀雨舊詩畱讀向泉臺憶得不卞壺可容魂大笑王章不爲死含愁丹楓到冷心元赤黃菊雖晴命亦秋韶月年年春日暖獨條治葉漫當頭

敏姪五十

刑溝槩戟插湘濱驍騎雲仍到爾身戍削月垂千丈影團圓松偃一庭春青氈未損傳家物黃菊相期漉酒巾好理殘書貽子弟烏衣燕識畫梁新

吾方受室爾懸弧一幅當年燕喜圖脈脈回頭成夢鹿悠  
悠屈指數金烏黃雲初捲收香粒蘋棗重蒸釀軟酥幸有  
老夫雙鬢在東臯遙勸倒郵酤

按先生先世爲江都人世襲指揮使故前詩首句  
有邢滿榮戟之語此二首從家譜採出存之以見  
先生於前明爲世  
臣非他人可比也

懷入山來所棲伏林谷三百里中小有丘壑輒暢然  
欣感各述以小詩得二十七首

排子嶺

稻畝綠茸茸平田接回塢橋下流水聲龍湫昨夜雨

獅子峯

飛鳥搖嶺色漸與峯頂齊凝眸絕磴影已轉碧潭西

黑沙灘

苔冷千年綠春寒一片雲  
回襟避疏雨人語不相聞

續夢庵

舊夢已不續無如新夢驚  
溪雲霑竹尾滴瀝過三更

雙髻峯

西峯亘銅梁北嶺矗荆紫  
百里見陰磴遙知光發此

黃沙灘

落葉絕行蹤隨意披疏篠  
龍氣動喬木空潭無猿鳥

溪波巖

櫻筍濺飛珠回頭不知處  
徙倚望前山斜陽轉高樹

妙高峯

陰茨浮石壁長如春水生僧歸夕磬後回首見西清

車轍亭

偶然成轍跡古人意何取佇立無與言前峯正疏雨

方廣路

未從方廣遊知爲方廣路定有夕煙霏玉光露晴樹

嘯臺

午日尙瞳矓紫光視辛葉喧氣上臺陰香風吹凍隤

補衲臺

聞有補衲名學之跣趺坐翦葉搖森森竹鼠穿裙過

洗衲池

瀑布良可觀臨之喧不清水簾垂一尺微送佩環聲

原注名巖

青谿石門

欲作飛猿度不畏蒼苔深森森開一面斜日照前林

西石門

循壁渡泉橋知有幽人宅山氣動蘋蘩香麝夜來跡

松紋石亭

僧歸繞曲磴回首望林端遙知愛曉鳥也向樹梢看

鳴雲庵

曲逐峽田上遙期松徑終涼風中嶺合西日一尖紅

原注  
有補

開  
部之

釣竹源

杉竹迷千嶂豆苗紫一灣  
齠齠不相避肥草隱潄潄

雲臺山

佛宇不可知雲留高樹裏  
日落鐘磬聲隨雲渡溪水

原注  
右零

洞  
北

西莊源

古樹何年種歸禽來一雙  
茅齋讀易罷搖影入閒窗

小祇園

宛轉破千瘡平疇起綠煙  
自然知蘭若不過鳥飛邊

原注  
右宜

江

小雲山

夕氣澂若濃星光斂清炯  
林外露懸燈未知何峯頂



昭陽庵

歸鴉度何所夕照移西岑蔚入蔚藍色蕭蕭松檜陰

馭閣巖

欲以貽來者錫之馭閣名終古知不知今茲自含情

桃塢

曳杖行何適桃花一塢紅回塘積落英從君識東風

雪竹山

楊墳一竿竹空外影千尋六月飛冰雪蠶心直到今

茱萸塘

綠苞綻紺珠紅泉醞香屑采采及清秋汝南有真訣

敗葉廬

敗葉閉不埽，鏦鏦扣哀絃。蟲吟淒切外，秋色倍清暄。

觀生居

寒月出東嶺，流光入淺廊。萬心畱片晌，一縷未消香。原注右湘

爲晉寧諸子說春秋口占自笑

腹借征南庫，鐙邀漢壽光。傷心難自遣，開卷是春王。  
蠹死墨魂失，鶩饑遠視仍。紙窗鑽不透，大抵是癡癡。

避亂石雞邨同載謀小憩

蒼壁不受春，轉入溪流曲。桃花影外天，微波動新綠。  
飛鳥隨風葉，梨花漾碧晶。溪山得圓淨，雞犬亦蕭清。  
不知身忽輕，已度青茸表。疏雨何妨飛，林端露清曉。

汴水書集卷三十四  
仇池九十泉桃源千萬樹古人喪亂中自選林泉住

詠史

箕子生傳洪範劉歆死擊穀梁叛父祇求媚莽稱天原是  
存商

墮淚曲江秋燕白頭小范黃花變雅三年破斧續騷一部  
懷沙

桎梏荀卿性惡逍遙王衍無爲指鹿不迷物則問蛙方證  
希夷

安世不藏父惡南軒盡掩前羞遷史直承堯典紫陽曲學

春秋

自注堯典不爲禹諱  
蘇春秋爲親者諱

公主盤飧賭命上卿片唾輸頭偏是羈孤臣妾貪他國熱

春秋

中壘傳經燒永東坡抗疏逃禪夢伴昌黎牀榻鑪兼畢萬  
銅鉛

信陵飲酒近內步兵泣路驅車贏得不知別苦難忘聊復  
愁予

田豐死爭官渡鵬夷不諫夫椒未到水窮山盡難迴墜石  
狂湖

郝鑒生憐逆子沈充死愧賢孫桂蠹何傷芳樹蘭芽不染  
滌根

狄青非萬人敵韋臯亦百里才學擊鷹鷂誇俊知音黃雀  
生災

子厚懸崖題壁昌黎華嶽投書小人可使有勇君子其蔽也愚

擒守忠如捉鼃奉嘉王亦建瓴流汗颿風搖膊頭白盡囊螢

家法銷兵杯酒胡章決獄風波無信人言采苦其則不遠伐柯

蟋蟀消歸秋壑鸚鵡生受恩陵幾隊吟蟲語鳥一坏秋草冬青

乍可黃冠歸宋羞將白血殉元蜜檠不爭甜苦猿蟲各有精魂

吟得

雙溪欲合聲逾急孤鳥將棲晚更飛唯有小窗人睡起不  
知香燼落春衣

蚤春

小窗春淺不中春逕次曉鶯煞惱人忘盡故心消不得夕  
煙約莫柳條新

得須竹鄂渚信知李雨蒼長逝遙望魚山哭之

孤雁哀陰帶淚飛南詢雁岫釣魚磯尋常雁塔稱兄弟魚  
稻汀洲各揀肥

一期生死有千秋欲語逢人煎舌休剛遣西風吹片葉黑  
雲棲斷洞庭舟

青原罷棹石門寒柳岸霜風月已殘欲轉金輪須換面紅

鑪別鑄紫金丹自注密之閣老天門司馬俱以是年棄世

赤壁雄風百戰酣新安碧血灑江南大觀綽板先君歆淒

絕吳江老檠庵自注兩蒼早與金正希尹洞庭熊魚山齊名時金已殉難尹亦先逝熊公曾隱吳江

存亡未審

白楊衰草楚雲天孺子生芻莫與煙忍淚欲彈須翦燭霜

風偏緩上灘船自注須竹赴哭未歸

新秋同唐古遺須竹遊鐘武故城歸坐小軒夜話

閒堂翦燭夜如何銀漢疏風古樹多便把一竿隨爾住汀

門原有舊藤簑

水口道上

叢竹低垂過雪斜森寒綠氣透青霞乳鶯嘯處春無幾纔

見櫻桃一樹花

走筆贈劉生思肯

故園枝葉託君家兄弟風流競筆花  
汎宅五湖君自遠相逢猶幸在長沙

水綠洲前魚艇多也來相伴曬漁蓑  
逢君翦燭當深夜柰此干戈滿地何

老覺形容漸不真鏡中身似夢中身  
憑君寫取千莖雪猶是先朝未死人

題林良枯木寒鴉圖圖有李賓之題句

未辨斜陽與暮煙枝枝不墮早春前  
此中無放鶯鶯處畱待桃花二月天



三十年來認得真吉凶無據自無情鵲聲縱好非歸計塞  
耳春風第一聲

悼亡四首

十年前此曉霜天驚破晨鐘夢亦仙一斷藕絲無續處寒  
風落葉灑新阡

讀書帷底夜聞雞茶甌松聲月影西閒福易銷成舊憾單  
衾愁絕曉禽啼

生來傲骨不羞貧何用錢刀卓姓人撒手危崖無著處紅  
鑪解脫是前因

記向寒門徹骨迂收書不惜典金珠殘帷斷帳空畱得四  
海無家一腐儒

按先生元配陶孺人生成二歲值家難以哀悸死  
先生有陶孺人像贊云孝而殉國人所聞奚俟余  
云慈以鞠不究其粥奚以相暴靜好爾音爾之子  
心有言就謚昔隱之思已而已而焉用文之天或  
假爾以後昆者髣髴  
不迷唯斯焉之爲儀

### 竹枝詞

嫩鶻鶻鬪不相降野鴛鴦飛不作雙昔年挑冰上雪嶺今  
年販水下長江

暮雨朝雲神女峯三朝三暮黃牛蹊入峽來回看不厭出  
峽對面不相逢

洞庭湖北漢水橫青草湖南湘水清兩道湖光爭激盪兩  
般艇子各分明

鷓鴣銜魚只道餓鷓鴣運目也孤飛江花笑水郎不去白

浪掀天郎不歸

楊柳灣頭舫開楊花飛雪逐船來郎愛楊花隨舵轉儂  
憐楊柳倒根栽

巫山欲出三峽中狼山還隔海門東何人不打開船鼓何  
人解使鬪颿風

初度日口占

橫風斜雨掠荒邱十五年來老楚囚垂死病中魂一縷迷  
離唯記漢家秋

一萬五千三百三愁絲日日纏春蠶天涯地窟知音絕新  
剪牛衣對雨談

新買茱萸半畝堂苔侵牀足月侵牆天涯芳草迷歸路病

葉還禁一夜霜

十載每添新鬼哭淚如江水亦乾流青髭無伴難除雪白

骨多情苦戀頭

附詩餘自題像贊把鏡相看認不來問人云此是  
薑齋龜於朽後隨人卜夢未圓時莫浪猜誰筆  
仗此形骸閒愁輸汝兩眉開鉛華未落君還在我  
自從天乞活埋自題影贊孤鐙無柰向頽牆破壁  
爲余出醜秋秋水晴更無著處全現敗荷衰柳畫裏  
圖又圖中黑白欲說元無口祇應笑我杜鵑啼到  
春後當曰落魄蒼梧雲暗天低準擬藏衰朽斷  
嶺斜陽枯樹底更與行監坐守勾撮指天霜絲拂  
頂皂帽仍黏首問君否  
去日有人還似君否  
附錄先生船山記船山之岑有石如船頭石也  
而以之名其岡童其溪渴其斲有之木不給於榮  
其草靡靡紛披而恆若凋其田縱橫相錯而隴首  
不立其沼凝濁以停而屢竭其瀕其前交蔽以絳  
送遠之目其右迤於平蕪而不足以幽其良禽過  
而不棲其內趾之瘁者與人肩摩而不忘其農習

視其塋塋之塋塋而不修其俗曠百世而不知琴  
書之號然而不予之歷溪山者十百其足以棲神怡  
慮者往往不吾顧於此闕寒暑者十有七而將畢  
命焉因曰此吾山也古之於獨居今之曰抱獨之情  
人之所欲而不能信之於獨居今之曰抱獨之情  
奚爲而不可也古之人其遊也有選其居也有選  
古之所就夫亦人之所欲也是故翔視乎方州而  
尤佳者出而闕天之傾踏地之舛跌寸之土不能  
信爲吾有則雖欲選之而不得獨其不歡迎其不  
棘江山之韶令與愉恬之志相若則相得而固爲  
棘人地不足括其不歡之隱則雖欲選之而不  
能仰而無憾者則俯而無愁是宜得林壑之美蔭  
以旌之而一坏之土不足以榮吾所生五石之煉  
不足以崇吾所事梅以叢棘履以繁霜猶溢吾分  
也則雖欲選之而不忍賞心有侶詠志有知望道  
而有與謀懷貞而有與輔相遙感者必其可以步  
影沿流長歌互答者也而焚焚者如斯矣營營者  
如波矣春之晨秋之夕以戶牖爲丸泥而白封也  
則雖欲選之而又奚以爲夫如是船山者卽吾山  
也奚爲而不可也無可名之於四遠無可名之於  
末世偶然而謂之欽然忘之老且死而船山者仍還  
其頑石巖之顏司空之谷林之湖山天與之清美

之風日地與之豐潔之林泉人與之流連之遐慕  
非吾可者吾不得而似也吾終於此而已矣辛未  
深秋

記

附亭林先生楚僧元瑛談湖南三十年來事作四  
絕句詩一其對碑鐫說楚辭國殤山鬼不勝悲傷  
衡嶽祠前道如見唐臣望哭時原注宋史朱昂傳  
父葆光當梁氏篡唐與唐舊臣顏覲李壽輩挈家  
南渡寓潭州每正旦冬至必序立南嶽祠前北望  
號慟殆二十年二孤墳一徑楚山尖鐵石心肝老  
孝廉流落他方餘惠遠撫琴無詔憶胸襟原注先  
兄同年友長沙陶君汝鼎三督師公子竟頭陀詩  
筆靜濤浩氣多兩世心松四夢到江頭橋柳林納  
戈原注武陵楊公山松四夢到江頭橋柳林納  
衣桑下慙同心不知今口滄浪叟鼓柁江潭何處  
深按亭林先生此四詩見詩集次三兩首為陶密  
翁楊長蒼作自註甚明第一首第四首未註何人  
今以詩意觀之末首殆指些公第一首則船山先  
生無疑也錄此見當日遺民故老心心相  
印如此此天地間集之所以不可少也

沅湘耆舊集卷第三十四終